

Claudii Fleurii Abbatis Historia Ecclesiastica

Ab anno Christi 1400. usque ad annum 1415 - Unacum Dissertatione
Præliminari Ad Historiam Sæculi XV.

Fleury, Claude

August. Vind. [u.a.], 1767

VD18 90118286

§. 71. Wenceslaus imperio exauktoratus.

[urn:nbn:de:hbz:466:1-66281](#)

§. LXXI.

*Wenceslaus Imperio exaucto-
ratus.*

Eodem hoc anno Imperator Wenceslaus filius natu major Caroli IV, & Sigismundi postea Imperatoris frater, regno depositus est. Rex iste avaritiæ, socordiæ, luxuriæ, intemperantiæ, & aliorum vitiorum jure merito portentum audit. Regiam suam dignitatem, ac Imperium innumeris flagitiis turpiter fædavit. Hunc tandem Proceres Bohemiæ ejus crudelitatem exosi, in carceres detrudi jusserunt, unde in fætore, ac squalore tribus, vel quatuor mensibus detentus, tandem ope cujusdam mulierculæ, quæ ipsi, dum in balneo lavaretur, inserviebat, liberatus fuit, quam sive gratitudinis titulo, sive incontinentiæ vitio, mensæ, ac thori sociam postmodum sibi adjunxit. Verum cum sinistro hoc fato neutquam resipiceret, Sigismundi fratris sui

*Bzov. an.
1400. n. III.*

*Dubrav. l. 23
hist. Boh.*

n 2 jussu

jussu denuo in vincula conjectus, Viennam sub custodia Alberti Austriaci delatus est. Verum & ibidem opitulante quodam Piscatore, quem dein Equitem creavit, fuga elabitur. Tandem omnibus his nil proficientibus, Electores eum deponere decernunt, & die 20. Augusti 1400 in illum exauctorationis & privationis Imperii sententiam pronuntiant, quam Elector Moguntinus præsentibus aliis duobus Electoribus Ecclesiasticis, Ruperto Bavariæ Duce, Friderico Brunsvicensi, & Norimbergæ Burggravio publice prælegit.

§. LXXII.

Rupertus Bavariæ Dux Imperator electus.

D. Marten. Post promulgatam Wenceslai depositionem Electores convenere in Brunsvico - Luneburgicum Ducem, egregium sane Principem, ac rei militaris peritissimum. Verum cum ipse paulo post a Waldeko Comite

Anecdot.
to. I. p. 1634.
Gobelin.
Person.
Co/med. l.6.
c. 7.